

Segunda carta de San Pablo a los Tesalonicenses

Tesalónica cuto gånare Pablo i papera cõare gaye

1 ¹Ñati Tesalónica cuto gāna m̄ua. Ȳu Pablo mani ñarā Silvano, Timoteo mesa rāca adi papera m̄uare uca ȳu. Mani Jacu Dios ñarā ña mani, ito yicōri mani Uju Jesucristo ñarā cuni ña mani. Inare tuor̄unurā ñari minijuasotia m̄ua cuni, ñare r̄ucub̄uorona. ²M̄uare queno i yitoni Mani Jacu Diore senisotia gua. Ito yicōri ñe oca manoti m̄ua ya usiju queno m̄ua wanu quenaroca i yitoni ñre senisotia gua. Mani Uju Jesucristore cuni ito bajiroti seni isisotia gua m̄uare yiari.

Cristo i t̄udi ejari r̄um̄u ñeñaro masa ña yire waja Dios i seniroti gaye

³T̄uoya ȳu ñarā m̄ua. Coji r̄uyabeto gua m̄uare t̄uoĩasotija, “Queno ya Dios m̄u”, yisotia gua ñre. Queno busa Jesucristore tuor̄un̄u warā ya m̄ua, ito yicōri buto busa gāmeri ti mai warā ya m̄ua. Itire t̄uoĩacōri, “Queno ya Dios m̄u”, yisotia gua ñre. ⁴Ito bajiro bajirā m̄ua ñajare gājerā Jesucristore tuor̄unurāre m̄ua gaye gua busija, wan̄ure rāca busia gua. Ado bajiro wan̄ure rāca busia gua ñare: “Tesalónica cuto gāna Diore queno tuor̄un̄ucōri, t̄uo jidicābeama ña. T̄uoĩa bujatobitibojarāti ñemecutiama ña. Gājerā ñare usiroro yi codebojarocati ñemecutiama ña”, yi gotia gua gājerā Jesucristore tuor̄unurāre. ⁵M̄ua Dios ocare cudija ticōri, m̄ua t̄uoĩa bujatobitiroca yama gājerā. Ito bajiro ña yibojarocati i rotiroju m̄ua eja masiroca quenarise m̄ua yi masitoni m̄uare yigu yiguĩji. Itire masicōri, “Masa ña yigoado bajiroti ñare ti besegu yiguĩji Dios. Quenarise riti yigu ñami i”, yi t̄uoĩa masia mani.

⁶M̄ua t̄uoĩa bujatobitiroca yirāre ña t̄uoĩa bujatobitiroca yigu yiguĩji Dios. Ito bajiro ñare i yija, ña ñeñaro yirise waja seniḡu yigu yiguĩji. I ito bajiro yija quena. ⁷Adocāta t̄uoĩa bujatobitibojarāti itire ito bajiro bajit̄iñamenaji mani. Co r̄um̄u m̄ua tujacāroca yigu yiguĩji Dios. Guare cuni ito bajiroti yigu yiguĩji. Ito bajiro yigu yiguĩji mani Uju ūmac̄̄ju i goaĩori r̄um̄u. Ūmac̄̄ju goaĩocōri jājarā ángel mesa rāca wadigu yiguĩji i. Jea ūjuro yorise bajiro buto busurise

wato wadirã yirãji ña. ⁸Diore tuorũnabitigoanare mani Uju Jesucristo gaye oca cudimenare waja senigũ wadigu yiguji i. ⁹Jesucristore ña tuorũnabitire waja, jeame ñjuroju tuoia bujatobiti ñasotirã yirãji. Ito yicõri wisa godana bajiro ñatĩnarã yirãji ña. Mani Uju ñaro camotado ñatĩnaro yiroja ñare. I masirise i ñoriju timena yirãji ña. ¹⁰Iti rumu Jesucristo i tudi ejari rumu i ñarã ñe tuorũnurã ñe ti wanurã yirãji ña. Ito yicõri, “I ñami rëtoro masigũ”, ñe yi rucubhorã yirãji ña. Muare gua riasorise tuorũnurã ñari ña rãca ñe ti wanurã yirãji mua cuni.

¹¹Itire tuoĩarã, muare yiari Diore seni isisotia gua. I ñarã mua ñatoni muare beseni mani Uju Dios. Ito bajiri, Tesalónica cuto gãna mu amorse yi masijaro yirona, Diore senisotia gua. Gaje muare yiari ado bajiro Diore seni isisotia gua: “Quenarise ña yi amorse ña yi masitoni mu masirisena ñare ejabuaya”, yi seni isisotia gua. “Cristore tuorũnurã ñari ñajediro moare i cüre gayere ito bajiroti yijaro ña”, yirona Diore senia gua muare yiari. ¹²Ito bajiri queno mua yirise ticõri, mani Uju Jesucristore rucubhorã yirãji masa jeyaro. I ñarã mua ñajare muare cuni rucubhorã yirãji ña. Manire ti maicõri Jesucristore Dios i goda ñi rotijare, ito bajiro rëtarõ yiroja.

Jesucristo i tudi ejaroto riojua bajiroti gaye

2 ¹Tuoia yu ñarã mua. Macana mani Uju Jesucristo i tudi wadiroto rumu gaye muare busi amoa yu. Manire miojucõri i rãca mani ñatĩñatoni manire ami wadigu yiguji i. ²“Ejacãni Jesús”, gãjerã ña yibojaja, giubesa mua. Ñare tuocõri, tuoia wisabesa. “Riti ña, yu cãiroju ito bajiro gotiqui Dios yure”, ña yibojaja cuni ñare tuorũnubesa. “Ejacãni Jesús, yi gotiami Pablo yure paperana”, ña yibojarocati ñare tuorũnubesa. ³Jãjarã ña muare ruobojaja cuni tuorũnubesa. Jesús i tudi wadiroto riojua, juaji gaye rëtarõ yiroja. I wadiroto riojua Diore buto ti tecõri cudimenaji masa. Ito bajiro ña baji ñaroca rëtoro ñeñaro yigu goaĩogũ yiguji. “Jeame ñjuroju ñe cõagũ yigũja yu”, Dios i yicãru ñami i. ⁴Jeyaro masa ña rucubhorise ti tegu ñagũ yiguji i. Dios gayere ti tegu ñari i wajacu ñami i. “Yu sigũti ña masa jeyaro uju”, yigu yiguji i. Diore rucubhorã masa ña minijuari wiju rujigu yiguji i. Dios robo bajiro ña ruogu yiguji. “Dios ña yu”, yi ruogu yiguji i.

⁵Iti rumu mua rãca ñagũ iti goti jeocu yu muare. ¿Itire masibeati mua? ⁶“Rëtoro ñeñaro yigu i goaĩome yirocu, ñe camotami Dios maji”, yi tuoĩarã ña mani. Dios i rotibetoti goaĩobiquji i. ⁷Jeyaro ñeñaro i yiroti masibitibojarãti, “Masa ña ñeñaro yiroca yicãmi i”, yi tuoĩarã ña mani. Dios ñe camotagu i rotibetoti goaĩobicu yiguji i. ⁸Dios i camotabeja goaĩogũ yiguji rëtoro ñeñaro yigu. Ito bajibojarocati Jesús i tudi ejari rumu i jutirisenati siacõgũ yiguji ñeñaro yigure. Rëtoro masigũ ñari josari mejeti ñe ruyuriogu yiguji Jesús i tudi ejari rumu. Ito bajiro i yija ticõri, “Rëtoro masigũ ñami Jesús”, yi masirã yirãji masa jeyaro. ⁹Rëtoro ñeñaro yigu i goaĩoja rãmua uju Satanás i masirise jidicãgũ yiguji ñe. Ito bajiri buto i masirisena ejagu yiguji i. Tiyamani ñocõri masare ruogu yiguji i. ¹⁰Wisa godasotianare ruorocu dise ruabeto ñeñaro yigu yiguji i. Ñare Dios i maso amobojarocati i oca

ñasarise boca ãmimenaji ñna. Ito bajiri wisa godana ñatĩnarã yirãji ñna. ¹¹ Ñ oca riojo ñasarise ñna boca ãmibitire waja ñna tuoia wisaroca yigu yiguji Dios. Ito bajiri ruore gaye oca tuorũnũrã yirãji ñna. ¹² Ito bajiro yigu yiguji Dios, ñ oca ñasarisere tuorũnũbiticõri ñeñarise yi wanũrãre jeame ñjuroju ñna watoni.

Manire masorocu Dios ñ besere gaye

¹³ Tuoya yu ñarã mua. Mani Uju buto manire tuo maiami. Jane mejeju muare masorocu muare beseni Dios. “Ñeñaro yirã ña mani, mani ñeñaro yirise jidicãruja manire”, mua yi tuoia masiroca yini Dios Espiritu Santona suoriti. Ito bajiro ñ yija, ñ oca ñasarisere tuorũnũyija mua. Itire tuoiaõcõri “Queno ya Dios mu”, yi jidicãbitiruja guare. ¹⁴ Ñ narã mua ñatoni ñ oca ñasarise gua muare goti rõtobujaro yirocu, guare cuni Dios. Ñ ocare mua tuorũnũja ticõri, Cristore ñ tũdi catiroca ñ yiado bajiroti mua tũdi catiroca yigu yiguji muare cuni.

¹⁵ Jesucristore tuorũnũ jidicãbesa yu ñarã mua. Muare oca riojo ñasarise gua riasogocaire itire jidicãbesa. Iti oca mua tiro riojo goticu gua. Paperana cuni muare goticu. ¹⁶⁻¹⁷ Manire ti maicõri queno yini Dios manire. Mani tuo wanũjaro yirocu, manire baba cutitĩnãgũ yiguji ñ. “Ñ rãca catitĩnãgũ yiguja yu”, mani yi tuoia wanũ yuroca yigu ñami ñ. Mani Jacu Dios, mani Uju Jesucristo cuni queno yitĩñajaro muare. Mua ya usiju oca sãoroca yijaro Dios. Quenarise riti mua busitoni, ito yicõri quenarise riti mua moatoni muare ejabuajaro Dios.

Guare yiarì Diore seni ñsiña, Pablo ñ yire gaye

3 ¹ Susari coji gaye muare goti ãmoa yu ñarã yu maji. Guare yiarì Diore seniña. Coju ruyabeto mani Uju oca iti bata watoni Diore seniña. Ñ oca tuo wanũcõri mua boca ãmiado bajiro jãjarã ñna boca ãmitoni Diore seniña. ² Guare ñeñaro yi ãmorãre ñnare camotajaro Dios yirona, ñre seniña. Gua riasorise ocare tuorũnũ ãmomena jãjarã ñna. ³ Ito bajibojarocati guare jidicãbicu yiguji Dios, muare cuni ito bajiroti. Mua oca sãoroca yicõri queno busa Cristore mua tuorũnũroca yigu yiguji ñ. Rũmũa uju muare ñeñaro yibe yirocu, muare camotagu yiguji Dios. ⁴ Cristore tuorũnũcõri, “Tesalõnica cuto gãnare ñna queno yi masitoni ejabuagu yiguji ñ”, yi tuoia gua. Ito bajiri, “Gua rotirise cudirã yirãji ñna. Ito yicõri ñaro bajiroti yisotirã yirãji”, yi tuoia gua muare. ⁵ “Queno manire ti maiami Dios”, mua yi masijaro yirona, Diore senia gua. Tuoia bujatobitibojaguti ñemecutiñi Cristo. Ñ ñemecutiado bajiroti muare cuni ñemecuti masiroca yijaro Dios.

Sĩgũ ruyabeto moaja quena, yire gaye

⁶ Tuoya yu ñarã mua. Adi muare rotijaro yirocu, guare cuni mani Uju Jesucristo. Sũgũ Jesure tuorũnũgũ ñabojaguti ñ moa ãmobeja, ito gua riasoado bajiro ñ yi ãmobeja ñ rãca baba cutibeja. ⁷ Mua tu gua ñaja rocati ñacõabiticu gua, moacu. Guare tigoana ñari, “Ñnare bajiro mani yija quena”, yiruja muare. ⁸ Mua tu gua ñaja waja yimenati mua ya najure babiticu gua. Ado robojua yicu gua.

Ëmuari ñami cuni josari moacu gwa. Ito bajiro yicu gwa bare waja yirona. Mware usirioro yibe yirona, mua guare waja yi isire amobiticu gwa. ⁹Mware riasori masa ñari, “Guare ejabuaya mua”, gwa yija quena ñaboadoja. Ito bajibojarocati mware josabiticu gwa. Ado robojua yicu. Moacu gwa, “Ïna robo bajiro yiraja manire cuni”, mua yi masitoni. ¹⁰Mua rãca ñarã ado bajiro roticu gwa: “No moa amobica babitjaro”, yicu gwa mware. ¹¹“Ïna wato coriarã moamenati ñama”, yire oca ttoa gwa mware. “Coriarã moamena ña wato gãjerã ye oca tucõri rocati busi batorã yirãji”, yire oca ttoa gwa mware. ¹²Mani Uju Jesucristo ï cãana ñari, ado bajiro rocati moamena ñarãre rotisotia gwa: “Moaña, queno ñana yirona. Ito yicõri gãjerã ye oca tucõri busi batobesa”, yi rotisotia gwa.

¹³Tuoya yu ñarã mua. Queno yirã ñari queno mua yirise jidicãbesa. ¹⁴Sigũ adi papera gwa ucarise tuorũnubicure ti masicõri ire baba cutibesa. Ito bajiro mua yija ï ñeñaro yirise tuoãbojogu yiguïji ï. ¹⁵Ñeñaro ï yibojarocati ire ti tebesa. Mani yagu ï ñajare ire goti quenofã mua.

Quenajaro masa, Pablo ï yi ñucare gaye

¹⁶Mani Uju ï ñami ñe oca manoti mani ñaroca yigu. Ñe oca manoti mua ya usijã queno wanũ quenaroca yitĩñajaro Dios. Dise ruyabeto mware iti rãtabojarocati ñe oca manoti mua ñaroca yijaro Dios. Mua ñarocõ rãca ñatĩñajaro mani Uju.

¹⁷“ ‘Quenajaro’, yami Pablo”, yi uca yu, yumasiti. Ito bajiro riti gajanoa papera yu ucarise. Ito bajiro ya yu, “Riti ucañi Pablo”, mua yi masitoni. ¹⁸Mani ñajediroreti queno yitĩñajaro mani Uju Jesucristo. Itocõ ña.